



Broj: 01/12-02-573/22
Datum: 22.03.2022. godine

Primljeno: 28-03-2022			
Org. jed.	Broj	Priloga	Vrijednost
01/12	-02-	573	/22

PREDSTAVNIČKOM DOMU
PARLAMENTA FEDERACIJE BiH

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 16. sjednici, održanoj 22.03.2022. godine razmatrala je sljedeći dnevni red:

1. Usvajanje zapisnika 15. sjednice Komisije,
2. Informacija o realizaciji zaključaka Komisije,
3. Prijedlog Budžeta Federacije BiH za 2022. godinu,
4. Prijedlog Zakona o izvršavanju Budžeta Federacije BiH za 2022. godinu,
5. Prijedlog Zakona o izmjenama i dopunama Zakona o budžetima u Federaciji BiH,
6. Prijedlog Zakona o materijalnoj podršci porodicama s djecom u Federaciji BiH,
7. Prijedlog Programa rada Vlade Federacije BiH za 2022. godinu,
8. Pripreme za Tematsku sjednicu Komisije,
9. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

AD-1. Usvajane zapisnika 15. sjednice Komisije

Zapisnik 15. sjednice Komisije jednoglasno je usvojen bez primjedbi.

AD-2. Informacija o realizaciji zaključaka Komisije

Predsjednik Komisije informisao je članove da su zaključci Komisije doneseni na prethodnoj sjednici realizirani.

AD-3 Prijedlog Budžeta Federacije BiH za 2022. godinu

Predsjednik Komisije je dao prijedlog da se uvodno obrazloženje ovlaštenih predlagača za tačke 3., 4. i 5. obavi zajedno, a izjašnjavanje pojedinačno. Ostali članovi Komisije podržali su ovaj prijedlog. Nakon detaljnog uvodnog obrazloženja koje su podnijeli Elvis Babaković i Alija Aljović, pomoćnik federalnog ministra finansija, predsjednik je otvorio raspravu. Nakon obavljene rasprave i datih dodatnih pojašnjenja i odgovora na postavljena pitanja članova Komisije, pristupilo se glasanju te je konstatovano da sa četiri glasova „ZA“ bez glasova „PROTIV“ i dva „SUZDRŽANA“, glasa Komisija nije podržala usvajanje Budžeta Federacije BiH za 2022. godinu.

AD-4. Prijedlog Zakona o izvršavanju Budžeta Federacije BiH za 2022. godinu

Budući da je obavljena zajednička rasprava kao i uvodno obrazloženje, pristupilo se izjašnjavanju. Konstatovano je da sa pet glasova „ZA“ bez glasova „PROTIV“ i dva „SUZDRŽANA“, glasa Komisija nije podržala usvajanje Prijedloga Zakona o izvršavanju Budžeta Federacije BiH za 2022. godinu- hitni postupak.

AD- 5. Prijedlog Zakona o izmjenama i dopunama Zakona o budžetima u Federaciji BiH

Budući da je obavljena zajednička rasprava kao i uvodno obrazloženje, pristupilo se izjašnjavanju, te sa pet glasova „ZA“ bez glasova „PROTIV“ i dva „SUZDRŽANA „, glasa Komisija nije podržala usvajanje Prijedloga Zakona o izmjenama i dopunama Zakona o budžetima u Federaciji BiH.

AD-6. Prijedlog Zakona o materijalnoj podršci porodicama s djecom u Federaciji BiH

Nakon kratkog uvodnog obrazloženje predsjednika, članovima Komsije se obratio Miroslav Jurešić, pomoćnik federalnog ministra za rad i socijalnu politiku koji je detaljno obrazložio Prijedlog Zakona o materijalnoj podršci porodicama s djecom u Federaciji BiH. Istakao je posebno da su amandmani Vlade FBiH znatno popravili raniji tekst Zakona posebno u pogledu iznosa dječijeg dodatka kao i uslova za njegovo ostvarivanje. Članovi Komisije kroz svoje diskusije pohvalili su Vladu FBiH za ovaj Zakon i izrazili nadu da njegova primjena uslijedi što prije. Također, pojedini članovi Komisije dali su i svoj prijedlog da uslovi koji se odnose na visinu ličnog dohotka po članu domaćinstva bude veći posebno imajući u vidu porodice sa više djece. Uslijedilo je glasanje, te je sa šest glasova „ZA“, bez glasova „PROTIV“ i jednim „SUZDRŽANIM „, glasom, Komisija podržala usvajanje Prijedloga Zakona o materijalnoj podršci porodicama s djecom u Federaciji BiH.

AD-7. Prijedlog Programa rada Vlade Federacije BiH za 2022. godinu

Predsjednik Komisije je otvorio tačku dnevnog reda. Članovima Komisije obratio se ovlašteni predstavnik Vlade FBiH. Nakon diskusije pristupilo se izjašnjavanju, te je sa šest glasova „ZA“, bez glasova „PROTIV“ i jednim „SUZDRŽANIM „, glasom, Komisija podržala usvajanje Prijedloga Programa rada Vlade Federacije BiH za 2022. godinu

AD-8 Pripreme za Tematsku sjednicu Komisije

Komisija za pitanja mladih intezivno radi na pripremama za održavanje Termatske sjednice Komisije koja će biti u proširenom sastavu sa učešćem vladinog i nevladinog sektora. Obavljeno je niz radnih sastanaka sa Institutom za razvoj mladih KULT, Westminster fondacijom za demokratiju, predstavnicima Vlade Federacije BiH kao i nekim zastupnicima u Zastupničkom domu Parlamenta FBiH. Dogovoreni su naredni koraci kao i predložen termin za njeno održavanje za drugu polovinu mjeseca maja 2022. godine.

AD-9. Tekuća pitanja

Nije bilo prijavljenih za diskusiju o ovoj tački dnevnog reda.

U skladu sa članom 53. Poslovnika Predstavničkog doma za izvjestioca je određen Eldar Čomor, predsjednik Komisije.

PREDSJEDNIK KOMISIJE
Eldar Čomor, s.r.